

INUIT ATAQATIGIIT

INATSISARTUNI



Aasiaat 12.juli 2023

Inatsisartut suleriaasianni § 37 naapertorlugu Naalackersuisunut imaattunik apeqqute-qarpunga:

Naalackersuisunut apeqqut:

- 1. Aningaasarsianit akileraarutit aamma sulisoqarnermut akitsuutip akilersinneqartarneri pillugit Namminersorlutik Oqartussat nalunaarutaat nr. 10, 20. september 2011-meersoq § 7 imm. 8 naapertorlugu aningaasarsisimasut ukiuni 2021 aamma 2022 qanoq annertutigippat?**

(Peter Olsen Inatsisartuni ilaasortaq, Inuit Ataqatigiit)

Tunngavilersuut:

Nalunaarummi qulaani pineqartumi ilaatigut makku pineqarput;

Kisimiilluni erinarsortartutut nipilersortartutullu, timersornikkut aliikkusersuisartutut, nipilersortartutut, atuakkiortutut, allatut tamatigut eqqumiitsuliortutut, timersortartutut, aviisitigut allaaserinnittarnikkut, eqqartuussisutut, eqqartuusseqataasutut illersuisutullu akissarsiat.”

Ataaseq assersuutigissavara;

Nipilersortartoq namminersortoq allamillu suliffeqarani taamaallaat nipilersortartuunerminik inuussutissarsiuteqartoq aammalu namminersortut allattorsimaffianni allattorsimasuulluni CVR.nr-qartoq, assersuutigalugu imerniartarfimmi nipilersorsimaguni, taava aningaasarsitinneqassaaq allatulli sulisartutut, akileraarutinik A-nik imaluunniit B-mik akileraaruserneqareerluni. Aamma taamaappoq atuakkiortuugaanni illersuisuugaanni, aviisitigulluunniit allaaserinnittartuugaanniluunniit.

Uffalu CVR-nr-qarluni, namminersortutullu nalunaarsorsimalluni, namminersortutullu sullitaminut sullissisimanini tunngavigalugu fakturamik akiligassamik nassiussiinnarsinnaagaluarluni. Uffalu aamma namminersortutut ukiup naanerani namminersortutut akileraartarnermut ingerlatsivimmut isertitarisimasani pillugit nalunaarusiortartussaalluni, taakkulu isertitarisimasani tunngavigalugit aamma akileraartinneqartussaalluni.

Taamatut tunngavilersuuteqarlunga matumuuna apeqquteqaatiga ingerlateqqippara.

Kissaatigaaralu apeqqutima ullut qulit iluanni akineqassasoq.